

222568

III

Mag. St. Dr.

12/20/1914

VLADISLAVS
CORONATVS REX.

Quam fortunatus es

VLADISLAE:

cui

Vt Polona Libertas, Sceptum, Coronamq; deferret.

I N

VRBANO VIII.

Purpurati Patres.

Cum

FERDINANDO II. S. A.

Serenissimi Principes.

Meliorque portio Christiani Orbis

Supplex iuit.

Thronumque Lechitarum ferro magis, quam
auro tremendum,
cernuus primum aspexit.

Ita Te omnes, Libero Populo, imperare desiderarunt

678. REX SERENISSIME.



Et certè

Regem Te sibi genuit SVECIA,
Dignum pluribus Imperijs, NATVRA fecit:
Monarchis æqualem FORTVNA voluit:
Sublimauit tamen ad Regnum Poloniae
Vnica VIRTVS.

Quam prout commendaùere,

Serenissimi Fratres Tui,
Amplissimi Senatores,
Nobilissimi Equites,
Declarauit Patria,
Libens audiuit Ecclesia.
Gratulati sunt Reges.
Prædicare promisit Posteritas.

O Aurum:

Præclarè tecum actum puta,
Dum illud Caput redimire datur

in quo

Polonæ Reipublicæ tota integritas.

Felicissimè conqueiuit.

POTENTISSIMO
ac
INVICTISSIMO
VLADISLAO
SIGISMUNDO
POLONIÆ REGI.
MAGNO DUCI LITHVANIÆ,
RVSSIÆ, PRVSSIÆ, MASOVIÆ,
SAMOGITIÆ, LIVONIÆ Q.
Nec non
SVECIÆ, GOTHIÆ, VANDALIÆ,
HÆREDITARIO REGI.
ELECTO MAGNO MOSCOVIÆ DUCI.



*Vos rebus in humanis admirabiles
esse Deus, & Natura voluit, Regum
Rex Maxime VLADISLAE;
eis Fortuna superis obsequiosa nuti-
bus, parem in orbe delegit locum: ex
quo plurima largirentur suis, pauca
admodum sibi. Et eos quippe animos,
heroamq; manum; aspectabat intra priuatos, semper tamen
A 2 augustos,*

augustos, cardines Tuos, regalis animi parens Munificentia: modò verò etiam in hac publica Patrie nostra letitiâ, maturo sub sole, mirari satis non possunt, cum utroque Regno tuo; circumfusa imperia. Quid verò ita Rex *VLADISLAE*? quia die hodierno nimium factus liberalis; totam planè Regali è fronte, in Tuos Polonos, effudit cum amore Maiestatem; quam ut potè inter sceptrâ, purpurâq; enutritam; vel solis Regibus ostendere debuisti, vel dare nemini. Tu tamen *REX* noster es: Nostra quoq; Tui Serenissimi pectoris vera hereditas; Virtus. Illa Virtus, quæ non modò augusto Cesarum, Regumq; sed Diuinissimorum etiam celi ciuium sanguine, felicissimè purpurata; sanctissimè irrubuit. Pro quo, ut maximo, ita optatissimo nobis omnibus munere, publica Felicitas Imperij Poloni, Coronam Tibi porrigit; Et eam quidem magnam satis Et amplam; si detriumphatas sub eâ nationes spectes; si verò Te, Tuâq; in vniuersam Patriam Nostram merita, Et presertim Martiales illos spiritus, quibus Aquile Nostræ vitam suam, gloriamq; debent; angustam fortassis, Et Tuâ strictiorem Maiestate; qui Et Regali throno sublimior, Et Tue tantum Virtuti viuis par, Et beatus. Paruam porrò, Magnus ipse iam efficit; dum Tuis iuxta, ac Paternis laudibus, ex equo decorus, geminam ei importas amplitudinem, Et claritatem. Neque hic opus est Hannibalis iudicio, ut inter Regem, Et Coronam distingueret; qui summam quondam inter summos Imperatores diuidens gloriam, Tibi *REX* *VLADISLAE* integram fidei manu porrigeret; in Te vno omnium Principum contemplatus ornamenta. Credo enim non errasse illum, qui in D. Parentis Tui Manipulo, tot Reges vidit, quot spicas: tot regales animos ad

noua,

noua, & noua Polonis comparanda imperia, quot grana :
tot Heroicarum virtutum, viuos splendores, quot culmos, a-
ristasq. atque vt illi sine nube oculus; ita calamus sine fu-
co; blandimentorum ignarus, gnarus veritatis. Hoc tamen
mirari satis non possum, quare fastuosa quondam in suis en-
comiis Roma, cum ceteras artes aliis Imperiis, futurorum
exspes ingeniorum, per suum Poëtam assignasset :

Excudent alij spirantia mollius æra,

— — — viuos ducent de marmure vultus,

Orabunt causas melius, cælique meatus

Describent radio, & surgentia sydera dicent.

quatuor illas Caesarum, Regumq. artes, quæis terrâ mariq.
imperium sibi, & gloriam apud gentes fabricauit; tanta par-
cite solis Romanis reliquit; vt etiam Poëta suo, non absq.
grauiceterarum nationum iniuriâ, occinere id audacter sere
posteritati imperauerit :

Tu regere imperio populos, Romane, memento,

(Hæ tibi erunt artes) paciç; imponere morem,

Parcere subiectis, & debellare superbos.

Quasi verò vna, & sola Roma ita spatiosa foret; vt im-
mensam virtutem suis septem collibus concluderet, cui totus
etiam non erat suffecturus orbis. Ingentes maris gurgites
in pumilam compegisti scrobem, & vastum solis iubar rimo-
so clausisti in vtre, ô Magne Poëta! Nescit latere virtus
ad lares priuatos; supra Fortunam, hominesq. est; Orbem
Cælumq. amat; & seruas perosa compedes, libertatem auream,
vt umbra solem; pretiumq. gemmas, generosa sequitur; nec
magis iungitur Polono, quàm Italo; Africano, quàm Eu-
ropeo. Siquidem Natura, integerrimum cuiq. ad Virtu-
tem, & Gloriam, concessit ius; illudq. nec ipsis violandum

fatis, nec in ipso occasu mundi, ferale premendum lapidi permisit aliquando. Sed verò etiam cuiq; cælo suum est ingenium, suus Mars, sua Pallas, neque Monarchæ, eas artes, quibus regna, & imperia vel acquiruntur, vel aucta fortunatè conseruantur; ad alienas, condiscunt exedras; sed materno cum lacte, regales animos hauriunt simul: statimq; è fasciis tenellas explicant manus, non ut ubera matris prehendant; verùm ut sceptrâ, populosq; vel frangant superbos, vel subiectos amplectantur. Atque dum ea de ceteris affirmo Regnis, & Imperiis; de te quoque quid ni affirmem, ô dulcis Patria! quæ à tot annorum centuriis, in tuorum Ciuium pectoribus, non temporaneum Virtuti, & Gloriæ, scripsisti hospitium; sed æternum utrique fixisti domicilium. & bono equidem tuo, obscurus enim, & admodum angustus, ille orbis angulus est, ad quem Ciuium tuorum fama, nomenq; inclytum; non adhuc penetrarit. Ita Virtuti pulcherrimæ placuit hic populus, **REX POTENTISSIME**, placuit hostili sanguine desudans pectus, placuere animi generoso incocti honesto; placuit palmata gloria; placuit auro maior libertas! Huc igitur se, huc suas opes contulit; & quatuor illas Imperij Romani Artes, non ignauis certè Polonis communes fecit, tanto Imperij Sarmatici studio, atque profectu: ut, Si populi Regendi imperio essent; non iam timidos, proiectosq; seruos; sed liberos quoscunque ciues, imò & Reges ipsos regere, Polonorum Princeps nullus formidaret unquam: Si parcendum subiectis; sciret idem alieno sanguini ita parcere, ut suo; homineq; libero non prodigè uti, Homo ipse: Si debellandi superbi; nosset fastuosa pedibus premere ingenia, & ceruicofos, rebellesq; spiritus, triste subiugum mittere, eisq; aut ferro mederi; aut clementia: Si denique

Vilis eras, vilemque animam pro morte gerebas,
Sed Patriæ pulcher, sed pretiosus eras.
Tu tribus in bellis Patriæ, corpusque, animamque,
Acynam vitam, largus, in arma dabas:
Tu Moscho, Turcæque fero, Suecoque ferebas
Fati mille neces, prodigus ipse Tui.
Oblitusque Tuæ vitæ, caræque salutis;
Spondebas, Patriæ, Sauromatisque, Caput.
Ast oblita, Tuæ Virtutis, Patria non est;
Sed Te materno, fouit alumna, sinu.
Gestorum, non est virtus oblita, Tuorum;
Scripsit at æterno Martia facta stylo.
Omnia quæ vidit, stupuitque videndo, notauit
In nunquam mentis deficiente libro.
Illa & sudores, & Te, super ardua scalpfit
Marmora, quæ poterit radere nulla dies.
Omnibus, excidium, rebus dat, sæua vetustas:
Excidium rebus, non dabit illa, Tuis.
Fortius est rebus tempus, sed fortior ipso;
Virtus, in factis, ingeniosa Tuis.
Illa Tuæ galeæ cineres, pulchrumque cruorem,
Ingentesque ausus, sanguineasque vias,
Et quoscunque retrò potuit reuocare labores,
Hunc coram Lechicis gentibus explicuit.
Legit & in Patrum solijs, Equitumque coronâ;
Primaque suffragium, contulit illa, suum:
Vt regeres Populos, cum maiestate, Polonos,
Sceptraque, firmares Suetica, Sarmaticis.
Audijs hoc votum gens omnis, & audijs ipse
VRBANVS, Latîa summus in Vrbe Pater.

Audi-

Audiuere Duces, conspirauere Monarchæ,
Et LADISLÂO vota dedere suo.
Omnis & in varijs, habitans Lechus incola, terris,
Cum Lithauo; Sceptrum procidit ante Tuum
Viue, igitur, felix ô LADISLAE Polonis,
Viue ô Virtutis, schema virile, Tuæ.
Virtus quos caput, semper Tibi scribet honores:
Æternoque, Tuum nomen, in orbe canet.

Extremum

Omnes Tui, hoc optamus, hoc vouemus.

NATVRÆ clementiâ;

Patriæ viue, Rex diutissimè.

FORTVNÆ fauore;

Polonis, Regna felicissimè.

VIRTVTIS auspicijs;

Triumphas de hostibus gloriosissimè.


VOTIS

Fauete Cælites, fauete Homines,

R E X faue.



Biblioteka Jagiellońska



stdr0025919

